

Stjórnarfundur Leiknar, símafundur 10. febrúar 2014, kl. 11-12

Mættir: Hildur Betty Kristjánsdóttir frá Símei, Eyrún Valsdóttir frá Félagsmálaskóla alþýðu, Smári Haraldsson frá Fræðslumiðstöð Vestfjarða, Guðrún Lárusdóttir frá Endurmenntun Landbúnaðarháskólans og Hulda A. Arnljótsdóttir frá Fræðslusetrinu Starfsmennt. Iðunn Antonsdóttir frá Námsflokkum Reykjavíkur og Anna Lóa Ólafsdóttir frá Miðstöð símenntunar á Suðurnesjum, boðuðu forföll.

Dagskrá:

1. Næsti fræðslufundur

Fyrirhugað er að halda næsta fjar-fræðslufund þriðjudaginn 4. mars og stakk Eyrún upp á því að fá fyrirlesara frá Breiðholtsverkefninu þar sem unnið er að því að efla virkni með aukinni þátttöku í námi og ráðgjöf í samstarfi margra aðila. Mörg úrræði hafa verið þróuð sbr. Fab-lab frumkvæði FB, Nýsköpunarmiðstöðvar og Reykjavíkurborgar (ofl.) sem vert er að kynna. Rætt var um hver væri heppilegasti fyrirlesarinn og var ákveðið að Eyrún hefði samband við Stefaníu G. Kristinsdóttur sem heldur utan um verkefnið.

2. Norrænn samstarfsfundur á Íslandi

Farið var yfir hvaða norrænu gestir hafa boðað komu sína á samstarfsfundinn 3-4. apríl. nk. Fimm voru búnir að skrá sig, Fleming, Trine og þrír Finnar. Betty ætlar að ýta við hinum og Gurrý að bóka gistingu. Rætt var um uppbyggingu ýmissa norrænna samtaka og hvernig þau tengjast og vinna saman en sú mynd var ekki alveg skýr. Nordic Baltic er almenn fullorðinsfræðsla, NVL er net sömu aðila sem hafa gert sig vel sýnilega og EAEA eru Evrópusamtökin, sem Per fer núna fyrir. Búist er við að Antra Carlsson komi sem fulltrúi VOX á íslenska fundinn og ætlaði Betty að kanna til hvaða annarra funda hún væri að boða hér á landi, til að tryggja það að dagskrá Leiknar haldist og allir fundarmenn geti mætt.

3. Fréttir af formanni og verkaskipting

Betty sagði frá að hún væri að flytjast með fjölskyldu sinni til Grænlands um miðjan apríl og myndi því hætta formennsku í Leikn. Þar sem formaður og stjórn eru kosin á aðalfundi þá var ákveðið að varaformaður tæki við formennsku. Þá var ákveðið að Hulda tæki við norrænu verkefni um almenna starfshæfni, sem NVL stendur fyrir og Leikn er þátttakandi í, en tveir fundir af fjórum eru eftir. Það verkefni yrði síðan kynnt í fyrsta fjarfræðslufundi haustsins. Stjórn tæki að sér undirbúning aðalfundar, sem fundarmenn vildu gjarnan að yrði á Grænlandi, en töldu líklegra að notast yrði við fjarfundarbúnað til að hafa Betty á línunni.

4. Skýrsla um stöðu fullorðinsfræðslu á Íslandi

Ákveðið að skrifa saman skýrslu á netinu fyrir norræna samstarfsfundinn og taka þar saman á ensku hvað hefur borið hæst á starfsárinu á sviði fullorðinsfræðslu. Fundarmenn nefndu t.d. íslenska hæfnirammann, IPA verkefni Fræðslumiðstöðvar atvinnulífsins, verkefni um almenna starfshæfni og öflugt samstarf ólíkra hagsmunaaðila til að vinna í þágu herra menntunarstigs. Ákveðið að Betty setti upp gmail skjal og opnaði aðgang fyrir alla. Skýrslan verður síðan lögð fram og kynnt á norræna fundinum í apríl.

5. Önnur mál

Betty minnti á Nordplus umsóknarfrest ef að Leikn hefði áhuga á því að sækja um samstarfsverkefni á sviði læsis. Fundarmenn ætluð að hugsa það en sögðu um leið að erfitt væri fyrir Leikn að sækja um og stýra þannig verkefni nema að vera hýst hjá einhverjum fræðsluaðilum.

Fleira ekki gert og fundi slitið kl. 12

Hulda A. Arnljótsdóttir